

Na osnovu člana 57. Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 124. Pravila Javne ustanove Osnovne škole „Ćamil Sijarić“ Sarajevo broj: 01-1-276/25, Školski odbor Javne ustanove Osnovne škole „Ćamil Sijarić“ Sarajevo na trećoj sjednici održanoj dana 24.04.2026. godine, donosi:

## **P R A V I L N I K O VIDEONADZORNOM SISTEMU U JAVNOJ USTANOVI OŠ „ĆAMIL SIJARIĆ“ SARAJEVO**

### **I PREDMET PRAVILNIKA**

#### **Član 1.**

Pravilnikom o videonadzornom sistemu u JU OŠ „Ćamil Sijarić“ Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

### **II ODLUKA O VIDEONADZORNOM SISTEMU**

#### **Član 2.**

Školski odbor JU OŠ „Ćamil Sijarić“ Sarajevo donosi odluku o uvođenju videonadzornog sistema u JU OŠ „Ćamil Sijarić“ Sarajevo.

### **III ZAKONSKI OKVIR**

#### **Član 3.**

Zakon o zaštiti ličnih podataka Bosne i Hercegovine član 57. predviđa uspostavu videonadzornog sistema.

### **IV SVRHA VIDEONADZORNOG SISTEMA**

#### **Član 4.**

Svrha uspostavljanja videonadzornog sistema u JU OŠ „Ćamil Sijarić“ Sarajevo jeste neophodna optimizacija sigurnosti učenika, uposlenika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora); u svrhe predviđene Pravilnikom o kućnom redu sa etičkim kodeksima JU OŠ „Ćamil Sijarić“ Sarajevo.

#### **Član 5.**

Dozvoljena je upotreba videonadzornog sistema u smislu vođenja evidencija u skladu sa pozitivnim propisima Zakona o radu Federacije Bosne i Hercegovine, kada je to određeno zakonom ili ako je to potrebno radi ostvarivanja prava i obaveza.

## V OPSEG PODATAKA VIDEONADZORA

### Član 6.

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaj za videozapisa deponuje i arhivira videozapise 15 dana, nakon čega se isti automatski brišu pohranu.

### Član 7.

Unutrašnje kamere pokrivaju glavne koridore, hodnike i komunikacije unutar škole kao i hodnik prema zbornici i prostorijama uprave škole gdje se deponuju matične knjige, registri i dokumentacija od trajnog značaja za rad škole.

### Član 8.

Vanjske kamere pokrivaju prostor dvorišta škole, ulaze u školsko dvorište i prostor školskog parkinga.

### Član 9.

Na ulazu u školu i oko školskog dvorišta postavljaju se vidljivi znaci obavijesti:  
PAŽNJA OBJEKAT POD VIDEONADZOROM.

## VI UPOTREBA PODATAKA

### Član 10.

(1) Uređaj za snimanje i administratorski centar videonadzornog sistema nalazi se u portirnici ili u kancelariji kod direktora škole.

(2) Direktor škole može ovlastiti službenika za zaštitu ličnih podataka da ima pristup administraciji videonadzornog sistema škole u svojstvu kontrolora, kada direktor nije prisutan u školi.

### Član 11.

(1) Kontrolor videonadzornog sistema jeste direktor škole kao odgovorno lice.

(2) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 57. Zakona o zaštiti ličnih podataka Bosne i Hercegovine.

(3) Podacima u smislu stava (2) ovoga člana ovlašteno lice, u skladu stava (1) ovoga člana, ima pristup u prostorijama škole ili ukoliko se ukaže mogućnost - putem IP veze sa druge lokacije ili mobilnog uređaja.

### Član 12.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

### Član 13.

Monitoring u realnom vremenu nad videonadzorom imaju i dnevni čuvari škole ili druga lica koja ovlasti direktor škole.

## VII ZAŠTITA LIČNIH PODATAKA

### Član 14.

(1) U skladu sa članom 4. stav (1) tačka g) i članom 57. Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

a) Zbirka ličnih podataka je svaki struktuirani skup ličnih podataka koji su dostupni u skladu sa posebnim kriterijima, bez obzira na to da li su centralizirani, decentralizirani ili rasprostranjeni na funkcionalnoj ili geografskoj osnovi;

b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom;

c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.

(2) Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimcima dopušteno je samo direktoru škole.

### Član 15.

Pravilnik podrazumijeva poštivanje propisa Zakona o radu u Federaciji Bosne i Hercegovine, koji se odnosi na postupanje sa ličnim podacima radnika- kada je to propisano zakonom ili ako je potrebno radi ostvarivanja prava ili obaveza radnika.

## VIII PRIJELAZNE I ZAVRŠNE ODREDBE

### Član 16.

Stupanjem na snagu ovog Pravilnika prestaje da važi Pravilnik o videonadzornom sistemu u JU OŠ „Ćamil Sijarić“ Sarajevo broj: 03-34-1162-1/22 od 07.12.2022. godine.

### Član 17.

Izmjene i dopune Pravilnika vrši Školski odbor na isti način kako je i donesen.

### Član 18.

Javnost se upoznaje sa sadržajem ovoga Pravilnika putem službene web stranice škole i oglasne ploče.

### Član 19.

Ovaj Pravilnik stupa na snagu osmog dana od dana od dana objavljivanja na oglasnoj ploči Škole.

Broj: 01-1-682 /26  
Sarajevo, 24.4.2026. godine

Predsjednik Školskog odbora

Hasanović Amela, mr